



## ՄԱՅՐ ԱԹՈՌՈՒՄ

Հունիսի 4-ին, հինգշաբթի, Հոգևոր Ճեմարանի ուսանողությունը, դասախոսական կազմի գլխավորությամբ, ուխտի գնաց Ս. Գեղարդի վանքը:

\* \* \*

Հունիսի 4-ին, հինգշաբթի, Մայր Տաճար այցելեցին Մոսկվայում սովորող օտարերկրացի մի խումբ ուսանողներ, Բուդղարիայից հինգ արվեստագետներ, Ճապոնիայից մամուլի մի խումբ աշխատողներ, Պրագայի ռադիոյի և հեռուստատեսության պետական կոմիտեի աշխատակիցներ:

\* \* \*

Հունիսի 4-ին, հինգշաբթի, ութամսյա երկար, ծանր հիվանդությունից և վիրաբուժական գործողությունից հետո ապաքինված, վեհափառ Հայրապետին այցելեց Գերագույն Հոգևոր հորհրդի հնագույն անդամ պրոֆ. Ղուկա. Առաքել Առաքելյանը:

«Էջմիածին» ամսագրի խմբագրությունը, չանուն վեհափառ Հայրապետի, իր խնդակցությունը հայտնելով հարգելի պրոֆեսորի ապաքինման ուրախ առիթով, նրան քաջառողջություն է բարեմաղթում:

\* \* \*

Հունիսի 7-ին, կիրակի, Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը:

Սուրբ պատարագին ներկա էր վեհափառ Հայրապետը:

Սուրբ պատարագին ներկա էին նաև մի խումբ ռումինահայ ուխտավորներ:

\* \* \*

Հունիսի 7-ին, կիրակի, կեսօրից հետո Մայր Տաճար այցելեցին մի խումբ հույն ժողովուրդներ, բժիշկներ և ինժեներներ, որոնք ընդունվեցին նաև վեհափառ Հայրապետի կողմից:

Ավելի ուշ Մայր Տաճար այցելեցին նաև ՅՈՒՆԵՍԿՈՒ-ի քարտուղար Վր. Ռոժե Գելվանը և իր հարգելի տիկինը:

\* \* \*

Հունիսի 13-ին, շաբաթ, «Գիւտ Նշխարաց Սրբոյն Գրիգորի Լուսաւորչին մերոյ» Մայր Տաճարում, իջման Ս. Սեղանի առաջ, պատարագեց արժանապատիվ Տ. Մկրտիչ ավագ քահանա Մկրտչյանը:

\* \* \*

Հունիսի 13-ին, շաբաթ, Մայր Տաճար այցելեցին մի խումբ լեհ ճարտարապետներ, պրոֆմիության ղեկավարներ Հարավսլավիայից և Մակեդոնիայից, ինչպես նաև ժուռնալիստների մի խումբ ԳԴՌ-ից:

\* \* \*

Հունիսի 14-ին, կիրակի, Մայր Տաճարում պատարագեց և քարոզեց փոխ-լուսարարապետ հոգեշնորհ Տ. Մեսրոպ վարդապետ Պալյանը՝ «Հովուին հսկողի» ճշմարիտ և քաջ հովուի պատկերին՝ հովուքն եղեն հետևողը, զոր ամփոփեցին զմարմինս մեր ի յայն Մանեայ շարականի խոսքերի բնաբանով:

Սուրբ պատարագին ներկա էր վեհափառ Հայրապետը:

Սուրբ պատարագին ներկա էին նաև բազմաթիվ ուխտավորներ ԱՄՆ-ից, Ֆրանսիայից և Հունաստանից:

Հավարտ սուրբ պատարագի, ուխտավորները ընդունվեցին Վեհափառ Հայրապետի կողմից Վեհարանում:

\* \*

Հունիսի 14-ին, կիրակի, կեսօրից հետո Մայր Տաճար այցելեցին մի խումբ շեխ և գերմանացի (ԳՌՌ-ից) արվեստագետներ և այլ հյուրեր:

\* \*

Հունիսի 17-ին, չորեքշաբթի, Մայր Աթոռի միաբանությունը միօրյա պտույտի մեկնեց գեպի Արագածի լանջերը:

\* \*

Հունիսի 17-ին, չորեքշաբթի, կեսօրից հետո Վեհափառ Հայրապետին այցելեց ուխտավորարար Մայր Հայրենիքում գտնվող երիտասարդ կինոռեժիսոր Հայկ Մարտիրոսյանը, Պրագայից:

\* \*

Հունիսի 18-ին, հինգշաբթի, «Տօն սրբոց թարգմանչացն մերոց Սահակայ և Մեսրոպ-րայ»:

Առավոտյան ժամը 10-ին, Մայր Աթոռի միաբանությունը և Հոգևոր Զեմարանի ուսանողությունը ուխտի գնացին Օշական՝ Ս. Մեսրոպի շիրմին, որտեղ ժամը 11-ին, Ս. Մեսրոպ Մաշտոցի անվան եկեղեցում, սուրբ պատարագ մատուցեց և քարոզեց գերաշնորհ Տ. Ասողիկ եպիսկոպոս Ղազարյանը «Նմանեալ Մովսեսի» շարականի բառերի բնարանով:

Հավարտ սուրբ պատարագի, կատարվեց հոգեհանգստյան պաշտոն Վահան Ամատունի հայ իշխանի, հայ մշակութի և դպրության բոլոր վաստակավորների և Օշականի Ս. Մեսրոպ եկեղեցու վերանորոգության բարերարների Ղազարոսյան գերդաստանի ննջեցյալների հիշատակին:

\* \*

Հունիսի 21-ին, կիրակի, «Գիւտ տփոյ Ս. Աստուածածնի»: Մայր Տաճարում պատարագեց և քարոզեց հոգեշնորհ Տ. Արսեն վարդապետ Բերբերյանը՝ «Արդ, ո՞վ մեկնեցէ դմեղի սիրոյն Քրիստոսի» բնաբանով:

Սուրբ պատարագին ներկա էր Վեհափառ Հայրապետը:

\* \*

Հունիսի 23-ին, երեքշաբթի, Մոսկվա մեկնեց Պրագայում գտնվելիք Եկեղեցիների համաշխարհային համաքրիստոնեական խաղաղության համաժողովին մասնակցող Հայ Եկեղեցու պատվիրակությունը, որի կազմում են գերաշնորհ Տ. Պարգե եպիսկոպոս Գևորգյանը (պատգամավորության ղեկավար), Արարատյան հայրապետական թեմի առաջնորդական փոխանորդ հոգեշնորհ Տ. Վահան ծայրագույն վարդապետ Տերյանը, Մայր Տաճարի փոխ-լուսարարապետ հոգեշնորհ Տ. Մեսրոպ վարդապետ Պալյանը, Մայր Աթոռի դիվանապետ Հայկ Առաքելյանը և «Էջմիածին» ամսագրի խմբագիր Արթուր Հատիտյանը:

\* \*

Հունիսի 28-ին, կիրակի, Մայր Տաճարում պատարագեց հոգեշնորհ Տ. Նարեկ վարդապետ Շաբարյանը և քարոզեց «Եթէ ոք ծառաի իցէ, եկեցէ առ իս» բնաբանով:

Սուրբ պատարագին ներկա էր Վեհափառ Հայրապետը:

